



Юрий
Асютлов

Свѣтлої
Тані

1966



ЮРИИ



ВАСЮТОВ



Юрий
Васютов



**БОЛОМОЙ
ТАНИ**



Коми книжной издательство
Сыктывкар, 1966

с
В20

7-4-3

45-66 м

ЧУЖАН МУ

Гашкө, мөдлы тані абу шоньд,
Вывті дзескыд татчөс оланін,—
Ме ог куж ас йөзысь бокин лоны,
Сиктса олөм вылө куньны син.

Дед-баб тайөс лелькуйтлісны мусө
Ньылөм сорөн, кыдзи тырмис сям.
Тайө мулысь медводдза нянь кусөк
Менам вомө пунктісны бать-мам.

Таті пышйис пуджөм гача томтуй,
Сой-кок сөнө чөжис эбөс-вын.
Сыысь менө муыс тайө шонтө,
Весиг сэки, кодыр ачыс кын.

МУСА УЛИЧА

Рөднөй улича кузя восьлала,
Сійө өти судта.
Шонді купайтчө, гөпъяс косьталө,—
Шуда сійө, шуда.

Өшкамөшкаөн тулыс войталө,
Көть эн дугдыв, видзөд.
Сьөлөм зонъяслысь том ныв дойдалө,—
Мича сійө, мича.

Сэтшөм нывъясыс кодыр нюмдөны,
Кокни овлө лолыд.
Кодъяс көсасө налысь вундөны,
Долыд налы, долыд.

Коді кулитчө, мед сэн кулитчө,
Ёрө васө-мусө.
Гөпта улича, сиктса улича
Муса меным, муса.

* * *

Видзөдлан кө ыбъяс вылө тулысын,
Кытөн өзим лэптысьома веж,
Кажитчө, мый козыналөма мулы сэн
Озыр шонді дарөвөй выль эж.

Сөмын тайөн некор энө пөръяссьөй.
Мед и вежө эжсө васөд сён,
Мед и баддыс пасьтасигмоз коръяссьө,—
Абу жө өд өткодь ставлы дон:

Воысь лэбач сьылө корья пуяслы,
Васөд сёнлы йөктө чужсьөг ном,
Мөд ногөн дзик өзима веж муяслы
Көдзысьяскөд радлө агроном...

Видзөдлан кор ыбъяс вылө тулысын,
Төд: оз сөмын шонді мичсө кой,—
Өзимлөн быд вежөдөм сі улысын
Уджалысьлөн олө ньылөм войт.

* * *

Асывводз. Зэр тусьяс
Оз нин ысты гым.
Бөж йывсьыныс юсьяс
Койыштисны лым.

Пельпомьясөс зыртө
Чера-нопья лаз.
Менө вөрө пыртө
Векни ордым-пас.

Сельгө нитшув ёлын
Зарава кодь ва,
Пуясвивса коллын
Бытьё тырыс ма.

Воськовтан — и бөрлань
Кокыд оз нин ну.
Радейта ме вөр-ва,
Ассым олан му!

СЬӨЛӨМӨЙ ТАНИ

Эз ышөд челядьдырсянь менө море,
Тельняшка вылө завидьысь эг пот.
Ме сьөлөмөйлысь сэні овны кори,
Көн море кодь жө вөр-ваыслөн от.

Көть төдса Белөй море, төдса Чёрной,
Көть качайтліс скөр Балтикалөн гы,
Ас Коми пармакөд ме некор эг вөв торйөн,
Быд штормысь кылі вөрлысь шувгём шы.

Өд вөрысь ме, дзик пищаль кузьта зонка,
Лаз нопйын мамлы вайлі первой тар,
Тан аслам другкөд, муса Лыско понкөд,
Вөр азбукаөн төдмаси быд ар.

Ас киён шыд ме первой пуи тани,
Тан киссис менам первой лыжи кыс...
Кызд юнга морейн, ме ягын олөм пани,
И мем тан небыд весиг ем кодь лыс.

* * *

Увт, вай, Лыско, яра,
Вөр-ва тырөн увт!
Татшөм лөсьыд арө
Рой улө эн сувт.

Поткөд парма лөньсө,
Олан визьсө веж,
Эновт ордым-вөньсө,
Ис вылысь эн кеж.

Удж көть сьökыд тайö,—
Вылө лэпты ныр.
Тэнад увтчөм вайö
Гажсө парма тыр.

Котрав ягөд, нюрөд,
Джын туйö эн сувт.
Кытчөдз вылын юрыд,
Увт, вай, Лыско, увт.

* * *

Зэв пö озыр таво вöрыс,
Ура-тара,
Кылö ставнас парма шöрыс
Шура-шара.

Зэв пö важöн эз нин вöвлы
Зверыс татшöм:
Ю-ель пöлөн оз и чöвлы
Рутша-ратша.

Жбыргö-жборгö сьöла-дозмөр —
Кутав киён.
Урөн кышакылö коз вөр —
Кыяв-лыяв.

Кылö сиктын тары-бары —
Больгö быдөн...
Кодлысь сьöлём дойдö арыс,
Лыда-лыда.

Дзик тай мöd кодь сёрнитöмыс
Налөн вомын:
— Гöль-ö озыр овлö прöмыс —
Кыйсьöм помын.

КОЗ УЛЫН

Шонтö ноддя. Вольпась — ньыв пу лыскысь.
Небыд юрлöс — куөн кышöм лаз.
Мудзöм коксö нюлö раммöм Лыско.
Коз лыс вевтын абу öти паз.

Небесасянь войбыд сувтсөн кисьтö,
Бытьö море сэні, абу зэр.
Ноддя дорö öти войт оз письты.
Татшöм чомсö ачyd он на кер.

Сэтшöм лöсьyd шойччыны коз улын!
Весиг арся войыс абу кузь...
Ыджyd аттьö тайö дзормöм пулы,
Коді ачыс ме вöсна оз усь.

* * *

Кодкө нёровтіс поноль...
Быть өд быдмы да ов,
Эз вөв мукөдысь омоль,
Өні мортлы оз ков.

Быдмө чукля да лолөд,
Но и мегыр он вөч...
Оз-ө йөз пөвстын лолы
Татшөм дивөыс стөч?

ПИЛЯ ДЕД

Быдөн вөрө ветлө,
Быдөн сэсь оз вай.
Прокö Пиля дедлөн
Вöрын аслас пай.
Сылысь юква-шыдсö
Местнöй сельпо пыр
Чужан сиктыс быдсөн
Сейö вель нин дыр.
Йöзыс шуö:— Пиля
Нитшсö весь оз таль,
Отсасьö пö сылы
Вöрас быд пу чаль.
Кодкö син на тильö,
Кодкö дзоньтö лаз,—
Сдайтöма нин Пиля
Сьöла-дозмөр дас.
— Уна-ö мем аслым
Колö чери-яй!
Менö пöткөдасны
Сакар да сук тшай...
Байдөг бөжө пöрис
Чукчи бөж кодь тош,

Бан бокъяссö кöрис
Чизыр тöв да гож,
Плеш пасьтаыс вурыс
(Ошлön лэчыд гыж),
Лым кодь лоис юрыс,
Мегыр сяма мыш.
Но эн шу тэ сылы:
— Пенсиянад ов!
Лöгасяс:— Му вылын
Ог öмöй нин ков?

ИСТОГ КӨРӨБ

Ва киссис енэжысь и лыскысь.
Он бара бипуртө тан öзты...
Вөр керка дорö öдва кыскис
Сьöd арся войö менö чöс туй.

Эз пасйы нимсö татчö волысь,
Но колис джаджйö истөг көрөб.
И бытьö шоныдлунсö колис,
Кор муніс татысь асья вөрöd.

УТКА КЫЙӨМ

Он кӱсйи нин кыйсьыны мунны:
То зэрӱ, то шляча, то лым.
Но бара (со кымынӱд лун нин)
Двустволкаыд ӱгыр кодъ пым.

А утка пыр лӱбӱ и лӱбӱ,
То ӱти, то дас, то и сӱ.
Но лӱбысьӱс сынӱдыс дзебӱ,
Тӱ лыян, а дрӱбйыс оз во.

Шег доймытӱдз юр тӱнад чатӱр,
А ки-кокын гегдӱ быд чунь,
Но сюзь моз тӱ пукалан татӱн,
Дзик войбыдӱн синтӱ он кунь.

А утка пыр лӱбӱ и лӱбӱ,
То ӱти, то дас, то сӱ.
Тӱ надейтчан: ӱнӱ нин шедӱ.
Но бара на утка он сӱй.

Сьӱд сукарӱн нурьясян вежон,
Консерв вылын прӱйдитас мӱд.

Тэ пицальтö ёртыдкөд вежан,
А мыйла тэ вежан, он тöд.

Сэн гöтыр нин паськөмтö дзебö,
Тэ клянчтан:— Всё, сэся всё...
А утка пыр лэбö и лэбö,
То öти, то дас, то и сё.

МУСЮР

Небесати арын
Сьөктөм кымөр кывтө.
Восьлалан тэ карө
Няйтось мусюр вывті.

Куим метра пасьта,
Куим сутки кузя,—
Мырдөн вөтлан асьтө,
Восьлалігад узян.

Новлөдлісны вояс
Подөн муті-ваті...
Менө талун поезд
Карө нуө таті.

ТОМ ОЛӨМ

Том олөм, чардби кодь том олөм,
Тэ — ставнас олөмыслы визь.
И тэнө сідзи овны колө,
Мед бөрнас некыті эз вись.

Том олөм, абу менам полөм,
Ме босьта тэысь ассьым пай:
И вын, и збодерлун — мый колө.
А муслун нэм кежлө мем вай.

МУЗА

Тэ йылысь-ө,
Мөд йылысь-ө...
Гижны, гижны колө.
Рифма корсьны сьөлөм висьö —
Сэтшөм здук тай волө.

Со нин бара
Өшинь тасö
Синсö домис югыд.
— Кисьт, вай, ещö чая васö,
Радиосö дугөд.

Тэ эн дөзмы.
Тэ эн шогав...
Муса мем тэ, муса.
Но тэ прөстит, эг кö оков,—
Менö кутö муза.

ШУД

Кор ывла вылын өвтö майöн,
Му-видзыс дзоридзьясöн тыр,
Сэк кодкö быттьö муслун вайö,
И шудлун морöсысь оз быр.

Сэк быттьö век дас öкмыс во на
Свет вылас ола сьылгсор...
Ме шуда, радейта кор ёна,
Но кык пöв — радейтöны кор.

* * *

Нора горзігтыр лэбалё каля,
Ассьыс воштёма сійё гоз пөв.
Мыйла тэ сідз жё шогысь он паляв,
Бытьё гожёмын воёма төв?

Ньылышт курыдсё горшсьыд, вай ньылышт,
Зэлыд кулакё шамыртлы содз,
Сьылышт, друганё, важ мозыд сьылышт,
Гөлөс воштыны вывті на водз.

Мед сэн бөрдё кузь бордьяса каля,
Ўти шог сылөн: корсьны гоз пөв...
Медым шоглуныс тэнё эз таляв,
Ачyd олөмыс вылө тэ сөв.

* * *

Тэ тшөкты аслад сьөлөмлы,
Мед сійөс шог эз ви.
Тэ асьтө шуда олөмлы,—
Радейтчөмлы си.

А торъяліг кө сьөктылө
Том сьөлөм, мед оз вун:
И сэки шонді шонтылө,
Кор сімыд лун.

* * *

Код шуас, мича тэ — ог шензы,
Быд мортлөн аслас сөвмө мич.
Код шуас мисьтөмөн — ог вензы,
Ме тэнö радейта и сідз.

* * *

Гашкө, сыысь и коз пуыс веськыдөн кайö,—
Сылысь мичлунсö видзö ёсь емъяслөн тшöть.
Гашкө, сыысь и мусаджык нылыс мем тайö,
Мый и нюмъявны кужö, и лөгавны тшöтш.

ЁЛЬ ДОРЫН

Енэж вивсянь дзоргис төлысь-чарла,
Изъяс костод сяльодчис сөдз ёль.
Миянос жё дзедис пёрысь парма,
Шуин сөмын меным тэ:— Эн коль...

Шуднымос эз вермы йитны войыс,
Колльодчөмыс бара вөчис дой.
Тэрыб ёль сөдз васө резис-койис,
Весиг син лыс вылад өшйис войт.

Куим ар эг кыв ме ёльлысь дзольгөм,
Волін отнад сэтчө куим во...
Мыйла өні кывзан йөзлысь больгөм?
Ва моз өмөй визуvtic любов?

* * *

Лым вылын кык кинобилет
Да өти тыртём «Север» пачка.
Ой, сьёлём, сьёлём, шоныд сет,
Мед керка стенё кӧдзид швачкӧ.

Клуб дорысь разалисны йӧз.
Эдита Пьеха кӧнкӧ сьылӧ.
А ӧтка зон со пыкӧ звӧз
Да дзоргӧ ӧтка кодзув вылӧ.

* * *

Быд мортлөн кодзув аслас эм —
Тадз шульвлёны йёзыс.
И кёнкё енэж вылас сэн
Бур шудыс сылөн öзйö.

Оз кыскы менö енэж выв,
Ог виччысь сэсянь водзöс.
Эм менам радейтана ныв,
Кыз медся югыд кодзув.

МЫЙЛА, МЫЙЛА?

Клубö пырöм бöрын,
Гажа кадрийль шöрын
Синмö усис варовиник зон.
Вомыс мöдкөд боргис,
Ачыс мелань дзоргис.
Мыйла, мыйла, тöданныд-ö он?

Кöсий мыйкö шуны,
Эг и тöдлы, вуні,
Бытьö менам бергöдчис юр вем.
Кöсий гортö мунны,
Кокъясöй оз нуны,
Бытьö туйыс тупкысьöма мем.

Öнi некыдз рытыс
Менам оз коль сытöг,
Сьöлöм менсьым дойдіс варов зон.
Вомыс мöдкөд боргö,
Ачыс мелань дзоргö.
Мыйла, мыйла, тöданныд-ö он?

ГОЖСЯ ЛУНӦ

Мыйӧн шонді чеччас вӧр пу йылӧ,
Зарни рӧмӧн ойдас паськыд видз,
Тэнад садьмысь вежӧрыд нин кылӧ:
«Батьяс-мамъяс уджалісны сідз...»

Оз и усьлы кийсь коса-кураң,
Он тӧд мыйла сӧмын тэ он мудз.
Куртіг сьылан, пажын дырйи дуран,
Сюрса лыыд ньӧр кодь быттьӧ нюдз.

Бара рытӧдз коскыд оз и веськав.
Сэні нин со пусьӧма сук рок.
Бригадирыд вонйӧ вӧтлас эськӧ,
Сӧмын тэнад унмыд оз тай лок.

Лӧнь ю берег муса ныв моз кыскӧ,
Корӧ шуны гоз-мӧд мелі кыв,
Кольӧм луныс сьӧлӧм пытшкысь ыстӧ
Шойччысь юлы мыла сьыланкыв.

* * *

Лыдтөм дзоридзөн ойдөма видз выв,
Польдөм турунысь пычкысьö сөк.
Мыйла видзсö оз мич вылө видзны,
Отнас кодлыкө норасьö көк.

Да и ме, тані вөлі кө водзджык,
Төдса нывлы, дерт, вөчи букет,
Пөтөм мазі моз кытчөдз эг коддзы,
Эськө дзоридзьяс пөвстысь эг пет.

Но ме тракторөн ытшкыны петі
Ошкамөшкаөн шебрасьөм видз.
Мед, эг козьнав кө нывлы букетсö,
Чайта, окалас талун и сідз.

* * *

Дзоридз идз вылас
Ошйö видз вылыс,
Тэнö кыпöдö быттьö тшöтш.
Ворсö туруныс
Коса-курунын,
Зорöд юръясөн дзоргö кöдж.

Эк, и лöсьыд жö!
Сöмын пöсьыд жö
Частö торклö тай öтув лад.
Шондi сералö,
Юыс вералö —
Мунö му вывтi страдна кад.

АГИТКУЛЬТБРИГАДА

Тайö вöлі страдна кадö.
Шонді пычкис сизим ньылöм...
Воис агиткультбригада
Миян дінö, видзьяс вылö.

Гора гөлöсыс баянлөн
Лэбис джуджыд зорöd весьтöd.
Öтка колип, быттьö яндіс,
Сьыланкывсö эз и эштöd.

Весиг ачыс ярмөм шонді
Еджыд кымөр-вонйö пырис.
Йöзлөн мудзөм вошны пондіс,
Быттьö быдөн юис ырöш.

Ворсö зон — и кыптö морös,
Весиг йöктö косьмөм турун.
Сьылö ныв — и быттьö қорö
Öдйö босьтны киö куран...

Воліс агиткультбригада
Ас йөз дінö, видзьяс вылö.
Тайö вöлі страдна кадö.
Шонді пычкис сизим ньылöм.

МИ ВӨЛІМ ТОМӨСЬ

Ми вөлім томөсь,
Вөлім зэв на томөсь.
Ми весиг эгө янсавлөй
Кык зон.
Нянь шөрөм
эз на шедлы
ас ки помысь,
а мыйсюрөлы сетлім нин
ми дон.
Тэ вөлін варов,
из улысь көть петан.
Кыз ыджыд воклы,
завидьті ме тэд.
Сэк чйитлі ме,
Мый сьөлөм кыв мем сетан,
кор ме на корси книгаысь өтвет:
Көн?
Коді?
Кыззи?
Кутшөм бордъя шудыс?
А мыйла юыс кывтө, а оз кат?..
Ок, кыззи менам ки пыдөсөй лудіс,

кор чеччис сэтчө ичөт-ичөт гадь.
Но тэ эн воськовт мекөд райкомолө,
клуб сцена вылө орччөн эн жө пет.
Тэ шуин:
— Том дыр өтчид волө,
и сійөс йөзлы песны он жө сет.
Ме сералі.
Ок, кызди ме сэк сералі!
Тэ кужин шмонитны:
— Эн пот, эн пот...
Ме ёртасьёмлысь гөрөдсө
сэк кералі —
и ме эг ло
тэд медся матыс ёрт.

* * *

М. Конопницкая серти

Сылы овны колө,
Веськыда код олө,
Омөльторсө синмад шуас тэд,
Код дорө оз волы
Оліг чөжыс полөм,
Кодлысь олөм няйтөсьтны оз шед.

Абу сылы кадөн
Некутшөм пөщада —
Гуө көсийө суйны быд лөк морт.
Сійө сэтшөм гадөс
Сяммөдө ас кадө,
Сяммөдө и лоө сылы ёрт.

Сылы морт ним төрө,
Кодөс шог оз пөрөд,
Кыдзи олөм корө, олө пыр.
Воас тшук сы шөрө —
Горшсьыд пөрччас гөрөд,
Ачыс некор петляө оз пыр.

Коді шоньд гортö
Кыскö вöйöм мортöс,
А оз кöдзыд йирö сійöс суй,
Код оз тöдлы шойччöм,
Коді ачыс сотчö
И пыр индö йöзлы югыд туй.

БЫД БАТЬ ВӨВЛІС ТОМ

И батьö вөвліс коркө том,
Дас өкмыс батьлы вөлөм...
Лөнь тувсов рытө удал зон
Шань нывлысь дойдіс сьөлөм.

А гортас сөмын пуд джын ид
Важ, лёкиник амбарын,
Дзик тыртөм сылөн карта-гид
И тулысын, и арын.

А озыр мортлөн син-пель гырды —
Став сиктыс медсө вайө.
Шань нылөс сетісны тай мырд
Бур олысь мужик сайө.

Голь жөник колис киссьөм горт,
Мед сэтшөм олөм корсьны,
Көн вермис радейтөмсө морт
Кыз енлы

мөдлы восьтны.

Москва ни Питер, ни Сибирь
Эз сьөлөм бердө йиджсьы,—

Шуд вöсна йöзлөн киссис вир,
Ен вылö морт эз мыджсьы.

Сэк шуис бательы большевик,
Бур олөм корсьысь мортлы:
— Ми вöчам öтув, кар да сикт,
Бур олөм ёрта-ёртлы.

Став йöзкөд öтув коми зон
Дыр перйис тайö олөм...
Быд бать öд вöвлі коркө том —
Нэм тöдны тайöс колö.

ВОЙНА ШЫ

Асыв вөлі гыма.
Вөлі сьökыд зэр.
Батьö грима-грыма
Сötіс джоджö чер.
— Доръям!— шуис.— Доръям...
Синмыс быттьö тшыг.
Песласян пу воръяс
Мамлөн кынмис быг.
Лоис мамлөн чужöм
Быгйыс кодъ жö дзик.
Ме эг төд, мый кужö
Зумыштчыны сикт.
Гудök эз нин дзажгы,
Бöрдіс: до-ре-ми...
Сэсся лоис гажтöм,
Быттьö кусі би.
Чордісны законъяс,
Содіс öдзöс тас...
Дас кык ара зонъяс
Пасьталім сэк лаз.

ВЫЛЬ ВОСЯ ДУМЪЯС

Быд во — эм во.
Быд волы воас пом.
А мортлөн кёсйём
вой шөркөд оз помась.
Кор ставнас миян
Рёдинаным том,
ми, сылөн пиян,
ставён сэки томёсь.
И мед коть тыртис
уличасё лым,
мед парма шёрын
пусё йирё көдзид,—
быд морёс пытшкын
сьөлём
важ моз пым,
коть пёрысьлун
и пужйён юртё көдзис.

МЕДБУР СТИХ

Зэр киссьö
арся мулы пöтмөн.
Вын
менö эновтöма дзик.
А кодкö
век мем быттьö тшöктö
вөр йылысь гижны
медбур стих:
Мый менам парма
мича арнас,
быд лэбач — ёрт,
быд кодзув — горт...
Мед
вөр-ва вылö бушков ярмö,—
а менам быттьö быдмö борд.

Ме восьлала нин Кослан кузя,
рифмуйта юрын
кер да чер.
А водан —
джын олöмтö узян:
öд дзикöдз вежсис
сиктлөн сер.

Кыдз лун — выль керка
либӧ карта:
выль паськӧм пасьталӧ
важ сикт.
Ме быттьӧ тшӧтш сэн
кӧрт тув варта,—
пыр гижа
ассьым медбур стих.

А кор ме муна
ыбъяс вывтӧ,
кӧн менӧ шензьӧдӧ совхоз,
мем ыбъяс сайсянь юрӧ кывтӧ
да пырӧ стихӧ
паровоз.

Ме кӧсья
Рӧдинаӧс сывны.
Пач вывсянь
кокӧн йирк ог пык.
Но медся любӧ меным кывны
выль олӧм шы,
кыдз медбур стих.

МЕ ЫБӨ ПЕТИ

Ме ыбө пети трактор туйод,
(Кыт вөлі кыскалоны куйод),
Мед корсьны кывбурө геройос.
Сэн тракторист дорө ме вои
И сэтшөм сёрни ёрткөд пані:
— Тэ дыр нин көзяитан тани?
— Көзяин му вылын колхоз,
Ме уджала дзик мукөд моз.
— Тэ сайын мулөн урожайыс!
— Ме сөмын пукта ассьым пайос.
— Со му. Тэ өтнад гөран сійос!
— Оз гаддьоссьывлы весиг кий.
Но ляксьө, зыртчыштө, дерт, гач,
А ставсө вөчө ён тягач...

Дыр шөйти-ветлі гора ыбөд,
Көн видзөдөмсьыс лолыд лыбө.
Дзонь лун ме корсьыси да вой,
А орччөн уджаліс герой.

МИ ШУДАӦСЬ

Да, ми шудаӦсь.
Сэтшӧм шудаӦсь,
Весиг шуднымлысь ог тӧдӧй дон.
Дзик Парижын моз
вежӧны модаяс
Коми пармаын ныв да зон.
Зэв-ӧ важӧн на
водліс пажынтӧг,
новліс дӧмаса дӧрӧм-гач,
талун тшапа зэв
мунӧ шляпаа —
бригадир сійӧ либӧ врач.
Ныв-зон уджалӧны,
сосьяс пуджӧмны, —
ӧд и уджас эм асшӧр шуд.
Вӧчам дивӧяс,
пырам йи-ваас,
лэбзям шонділань — видлы, кут.
Да! Ми шудаӦсь,
Сэтшӧм шудаӦсь,
сыысь шудаджык мӧд оз ов.
Атьӧ ай-мамлы,
аттьӧ налы,
кодӧ шуд вӧсна пунктӧс лов.

* * *

Синма войöй, тувсов коми войöй,
Сиктын синтö куньтыртны он вермы:
Петöмаöсь медся ыджыд бойö
Трактористъяс кöдзны-гöрны.

Локтö оз ли коркö налön унмыс —
Мöвпыштан да шензыны тэ мöдан.
Тувсов луныс, волön медкузь луныс,
Налы оз на тырмы, тöда. Тöда.

Трактор — абу вöв, оз мудзлы.
Но öд мортыс, мортыс абу кöртысь!
Он, он вермы тувсов войö узыны,
Бытьö вöтлö ыбö тэнö чöртыс.

ПЕРВОЙЯ ЛЫМ ЧИР

Поэма

Первой лым чир
ки вылынсыліс.
Лым чир вөлі
бытьё пым...
Первой муслун
кор ме кылі,
тадз жö гылаліс
первой лым.
Вояс,
вояс...
А бытьё тöрыт
кыкөн шöйтім.
Дзевис рыт.
Сэтшöм рыт,
кор тэ мунан вөрöд,
сöмын мунан тэ
он тöд кыт.
Парма весьтö
сюрс синма öшйис
первой лым чиръя
сöстöм вой.

Бытьё кисьтисны
Ыджид Кёшысь
менап питшөгө
төдтөм дой.
Бытьё нёнявны
кутис кодкө
менсып сьёлөмөс...
Чөскыд вөт...
Өти вуджөрөн
кыкөн локтам.
Бөрө мунам-ө?
Ог и төд.

— Валя, Валенька,
Валюша...—
Шөпкө вом.

Шөпкө парма-сад.
Тошка төлысьөн
нүмдис ю шөр,
миян шуднымлы
бытьё рад.

Нывлөн юрсиыс
лым кодь еджид.
Первой лым чир кодь
ставнас ныв.

Шуас:

— Окала тэнө меджык...

Шуа:

— Топыдджык менап сыв.
Усьысь лым чирьяс
кыкөн өктам.

Йиа ва

ёлысь сырк да сырк.

Сылам.

Сералам.

Бергалам-йөктам.
Быттьö ёльыс —
вын содтö пыр.
Нылыс торйөдчиг шуис:
— Кыкөн,
сöмын кыкөн,—
тэ да ме...
Мед кöть косьөн,
мед кöть зыкөн,—
сöмын кыкөн
овны нэм...

Порок дукөн на
кадыс öвтис.
Шөрөм джынйөн
мам
юкліс нянь.
Кодкө удж вылысь
батьöс чөвтис:
прокурор пö
вывті шань.
Батьлысь мырддисны
партбилетсö.
Батьлысь мырддисны
олөм джын.
Шуис бать сэки:
— Ми ог сетчöй!
Абу нимын —
сьөлöмын вын...
Ме эг эскы...
Но кызди он эскы,
кодлы часіас гижсьöма Щорс!
Вöлі сьөлөм да юр
быттьö вески.

Эг нин мачон ме сэки ворс.
Дас квайт арөсөн
вөлі морт нин.
Вичмис киясө
чер и пурт.
Видз-му мичмөді
виль рекордөн,
куйөд кыскаліг
мус эз курд.
Ме мөй сөмын,—
став вөвлөм классным,
став Россия,
став страна,
кытөн олімө
ми коддьөмъясыс,
төдім:
помасис ыджыд война.
Төдім,
помасис кутшөм вынөн,
кутшөм пласътвидзис
доймөм му.
Төдім,
помасис кутшөм нимөн.
Сійөн бательы ме
кыв эг шу.
Ме эг эски.
И эски...
А зептын
фото.
Ныв.
Эм-ө ыджыдджык вын?
Менө кымөрөдз
радейтчөм лэптіс.
Шуда морт —

сьөлөм абу кө кын.
Ме ог төд,
мыйон шуны кадсө,
кор тэд нюмдөны
кык сэтшөм син,
кытысь аддзан
и сийөс,
и асьтө;
кад,
кор абу ни должность,
ни чин.
Лыддян кодзувьяс
бытьё вөтөн,
кор ас кадө
муса оз лок...
Ой тэ, сьөлөм,
он төд тэ пөтөм.
Муслун
абу тай выа рок...

— Валя, Валенька,
Валюша,
мыйла чужөмтө
вевттис шог?
Шуис,
бытьёкө потис Му шар:
— Аски
он кө тэ эськө лок...
Төді:
кодзулыс му оз шонты.
Төді:
Шондыс нэм оз кус.
Ме эг төд,
мыйла кынмыны понді,

мыйла синъясös
тыртіс бус.
Ме эг юась.
Весь эг юась.
Гашкө, сьөлөмас
мый эз кут.
Ме ог помнит,
кыз кокөй нуис.
Вөлі, помнита,
төлысьыс руд.

Аски.
Аски бюро вылө корө
менө первойысь комсомол.
Коді мунны мем сэтчө сорө?
Али бательн
Богунскөй полк?
Али бательн
кок-протезыс?
Сөвет власть вөсна
кисьтөм вир?
Али бательн дорйөм йөзыс,
чегис врагысь код
сьылідзир?
Ме кө
кытікө чукля
ачым,
сідзкө, веськыда шу —
и став.
Эн, эн думайт...
Ог ломты пачө,—
меным сгөдитчас на
Устав.

Валя, Валенька,
Валюша,
мед бюроын тэ
ичөтик ен.
Тэ эн пов. Эн пов.
Ме кужа.
Быд параграф.
Быд пункт...
Но сэн
кодкө линза пыр
мыччис синсө:
— Мый нин сёрнитлө
экс-прокурор?..
Батьлысь чегөмны
тышын пиньсө.
Менам —
мурч курччи —
чеччис пинь тор.
Көсийи висьтавыны
уна-уна.
И
мый сёрнитлө гортын бать...
Синмөс лапниті —
ставыс вуніс.
Бытьё гуисны
менсьым садь.
Ме эг төд
весиг өти параграф,
өти пункт,
өти кыв.
Гөгрөс линзакөд
өти радын
менө радейтысь
чөв оліс ныв.

Валя, Валенька,
Валюша
менö сувтöдiс
рытьядор:
— Мыжа...
Тэ водзын
ме
мыжа...
Но тэ вермытöмтор
эн кор.
Менам зептык
билет.
Тэ тöдан.
Но ме абу на сэтшöм ен,
мед и менö
эз гижны сьöдөн...
Тэ эн кор мясянь унджык,
эн.

Вазьöм синъяссъыс
ачымöс аддзи.
Но эз тыдав сэн
менама ныв.
Ме ог тöд,
кодлы вöли яндзим,
но мем шуштöм вöли
му выв.
Öти сынöдөн
кöть эн лoлав.
Бытьö горшö
сатшис ем...
Морт эз вöв,
кодлы ме вöли кола,
морт эз вöв,
кодi колiс мем.

Сөмын бать,
муса бать,
дойдөм батьө,
кодлы часі
козьнавліс Щорс,
кыскис кок пөлөд
менө крөватъысь,
вайис шахмат,
шуис:— Ворс.

Шуис:

— Синва кор мужиклөн лэччө,
сійө —

битөм тшын.

Шуис бать сэки:

— Ми ог сетчөй.

Абу нимын —

сьөлөмын вын.

Ми эг сетчөй.

Народ оз сетчы.

Вөтө исковтис

чорыд кад.

Весиг думөн

косавны сэтчө

өти дзук кежлө

абу рад.

Но ме көсья.

Ок, кыдзи көсья

кутны ки вылө

первой лым чир.

Медым ки пыдөс

бара өзъяс,

көдзыд лым чирсө

сывдас вир.

Көсья аддзыны

нывбаба синмысь
асьсö,
ачымöс,
кыдзи сэк.
Кыкөн юны
ёльысь
сур-вина.
Лоны öтлаын
век.
Век.

ЮРГИЖӨДЪЯС

Чужан му	3
Муса улича	4
«Видзөдлан кө ыбъяс вылө тулысын»	5
«Асывводз зэр тусьяс»	6
Сьөлөмөй тані	7
«Увт, вай, Лыско, яра»	8
«Зэв пө озыр таво вöрыс»	9
Коз улын	10
«Кодкө нөрөвтис понöль»	11
Пиля дед	12
Истөг көрөб	14
Утка кыйөм	15
Мусюр	17
Том олөм	18
Муза	19
Шуд	20
«Нора горзигтыр лэбалө каля»	21
«Тэ тшöкты аслад сьөлөмлы»	22
«Код шуас, мича тэ — ог шензыы»	23
«Гашкө, сыысь и коз пуыс веськыдөн кайö...»	23
Ёль дорын	24
«Лым вылын кык кинобилет...»	25
«Быд мортлөн кодзув аслас эм...»	26
Мыйла, мыйла?	27
Гожся луно	28
«Лыдтөм дзоридзөн ойдөма видз выв...»	29
«Дзоридз идз вылас...»	30
Агиткультбригада	31
Ми вöлим томось	32
«Сылы овны колö...»	34
Быд бать вöвліс том	36

Война шы	38
Выль вося думъяс	39
Медбур стих	40
Ме ыбӧ петі	42
Ми шудаӧсь	43
«Синма войӧй, тувсов коми войӧй...»	44
Первойя лым чир (поэма)	45

Юрий Константинович Васютов

ЗДЕСЬ МОЁ СЕРДЦЕ

*Стихотворения и поэма
на коми языке*

Художник М. П. Безносков

Редактор **В. А. Попов**

Техн. редактор **А. Н. Вишнева**
Корректор **Н. А. Адамова**

Сдано в набор 1|IV-1966 г. Подписано в печать 9|VI-1966 г.
Бумага № 2. 70×92¹/₃₂ печ. лист 2,04, бум. л. 0,875 (Уч.-изд.
л. 1,41) Ц00581. Цена 10 коп. Зак. № 2088. Тираж 1000.
Коми книжное издательство. Дом печати.

г. Сыктывкар, Республиканская типография
Управления по печати
при Совете Министров Коми АССР.



